

金石萃編

金石萃編卷七十四

賜進士出身 誥授光祿大夫刊部右侍郎加七級王昶識

唐 三十四

少林寺柏谷塢莊碑

石高三尺二寸八分橫廣五尺一寸三十八行行二十六字正書在少林寺

皇唐太宗文皇帝賜少林寺柏谷塢莊

御書碑

紀

開元神武皇帝

御書額

文見前 不錄

少林寺

賜地肆拾頃

賜水碾壹具

教前件地及礪寺廢之曰國司取以置莊寺今旣立地等宜並還寺

武德八年二月十五日兼記室叅軍臨淄侯房元齡宣

兼主簿元道白奉

教如右請付外奉行謹諮

武德八年二月十五日

二月十六日錄事郭君信受

錄事叅軍事師仁付田曹

依諮

此二字
行書

陝東道大行臺尚書省

陳少林寺

陳今得京省秦王府陳稱奉

教連寫如右此已

佳

教下洛州并并秦府留後國司准

教陳至准

教故陳

武德八年二月廿二日令史胄威幹牒

主事

膳部郎中判屯田君允

司戶

陳少林寺

賜地肆拾頃

水

禮壹具

膝上伴地及磴被符奉

教前伴地及磴寺廢之

日國司取以置莊寺今既立地等宜並還寺者以狀錄

膝任卽准

教故膝

武德八年二月廿七日史張德威

尉權判丞張開

太宗文皇帝教書一本

御書碑額一本

膝奉

勅付一行師賜少林寺謹膝

開元十一年十一月四日內品官陳忠膝

右栢谷塢碑題云唐太宗文皇帝賜少林寺栢谷塢
莊御書碑記開元神武皇帝御書額所謂碑紀者卽

少林寺碑上所載太宗爲秦王時討王世充宣諭寺僧之文也此碑前錄告文附賜地水碾還寺教書武德八年二月十五日兼記室參軍臨滿候房元齡宣又主簿元道白奉行謹諮則系以依諮二字又陝東道大行臺尚書省牒付少林寺并牒秦府留後則武德八年二月二十二日也又司戶牒少林寺則是月廿七日也皆列錄事錄事參軍令史主事判屯田史尉丞姓名後附開元十一年十一月四日內品官陳忠牒少林寺一行則立碑之年月也或云告文非太宗書中間行草世民二字則御書耳按諮牒後凡錄

事令史等姓下皆另一筆書名似與告文相類但告
文書法迥出謄牒文上而開元皇帝又御書額以紀
之爲文皇書無疑謄牒文必胥史所作而字畫精拔
如此宜學士大夫以書知名者之多也

金石錄補

少林寺賜田勅

碑高五尺九寸五分廣二尺六寸
六分二十行行五十三字正書

少林寺今得牒稱上件地往因寺莊轍城帶國有大殊
勲據格合得良田一百頃去武德八年二月蒙

勅賜寺前件地爲常住僧田供養僧衆計勲仍少六十
頃至九年爲都維那故惠義不閑 勅意妄注賜地爲

口分田。與等比來知此非理。每欲諮改。今既有勅。普令改心。請依籍次。附爲賜田者。又問僧彥等。旣云鰲城有勲。准格合得賜田。當時因何不早陳論。鰲城之時。頭首是誰。復誰委知。得款稱但少林及栢谷莊去。武德四年四月。鰲城歸國。其時卽蒙賞物千段。准格合得者。未被酬賚之間。至五年。以寺居僞地。慙被廢省。僧徒還俗。各從徭役。於後以有鰲城之功。不伏減省。上表申訴。至七年七月。蒙別勅。少林寺聽依舊量立。至八年二月。又蒙別勅。少林寺賜地肆拾頃。水碾磑一具。前寺廢之日。國司取以量莊寺。今旣立地等。並宜還寺。其教

勅案今並在府縣少林若無功勳卽是雷同廢限以
有勲勛別 勅更聽存立其地旣張頌數

恩 勅還僧尋省事原豈非賜田不早改心只是僧等
不閑憲法今謹量審始復申論其緇城僧曇宗志操惠
場等餘僧台寺爲從僧等不煩官爵唯求出家行道報
國若論少林功勳與武牢不殊武牢勲賞合地一百頃
自餘合賞物及闕地數不敢重論其地肆拾頃特 勅
還寺旣蒙此賚請爲賜田乞附籍從心又准格以論未
蒙僉賞但以出家之人不求榮利少亦爲足其驪城之
時是誰知委者僞轅州司馬趙孝宰僞羅州縣令劉翁

重及李昌運王少逸等並具委者依問僧彥孝宰等所
在欵稱其人屬遊仙鄉任饒州弋陽縣令無身劉翁重
住在偃師縣李昌運王少逸等二人屬當縣見在者依
狀牒偃師勘問翁重得報稱依追劉重勘問得報稱少
林寺去武德四年四月內衆僧等譏輟州歸國是實當
輟城之時重見在城所悲者又追李昌運等問得欵与
翁重牒狀扶同者又問僧彥等既稱少林僧等爲歸國
有功勲未知寺僧得何官欵稱僧等去武德四年四月
廿七日輟城歸國其月世日即蒙 勅書慰勞 勅書
今並見在又至武德八年二月奉 勅還僧地肆拾頃

勅書今並見在當時卽授僧等官職但僧等止額出家行道禮拜仰報國恩不取官位其寺僧曇宗蒙授大將軍趙孝宰蒙授上開府李昌運蒙授儀同身並見在者并追在手勅教及還僧地符等勘驗有實者少林僧等先在世充偽地寺經廢省爲其有功鑿柏谷塢功績可嘉道俗俱蒙官賞特勅依舊置立其寺寺卽蒙立還地不計俗數足明資田非惑今以狀牒帳次准勅從實改正不得因茲浪有出沒故牒

貞觀六年六月廿九日

丞萬壽 佐董師史吉海

勅麗正殿修書使

牒少林寺主慧覺

牒謹連勅白如前事須處分牒東都使中書令判牒東都留守及河南府并錄勅牒少林寺主檢校了日狀報勅書額及太宗與寺衆書並分付寺主慧覺師取領者准判牒所由者此已各牒訖牒至准狀故牒

開元十一年十二月廿一日牒

判官殿中侍御史趙冬曦

用秘書行從印

副使國子祭酒徐堅

中書令都知麗正修書張說

牒刻裴淮少林寺碑陰無書人姓名蓋當時寺僧錄
賜田牒由刊石者也書法修整故自可觀其上方刻
太宗爲秦王時教並武德年月官名曰貞觀六年六
月廿九日丞萬壽佐董師史吉海開元十一年十二
月二十一日牒判官殿中侍御史趙冬曦副使國子
祭酒徐堅中書令都知麗正修書張說用秘書行從
印唐武德四年太宗文皇帝勅授少林寺栢谷莊立
功僧名上座僧善護寺主僧志操都維那僧惠瑒大
將軍□□□同立功僧普惠明嵩靈憲普勝智守道

廣智興滿豐說

牒錄當時賜田緣由勒之于石後題銜有判官殿中
侍御史趙冬曦副使國子祭酒徐堅中書令都知
正修書張說三子爲唐顯人並見新書本傳然證之
于史冬曦開元初監察御史坐事遷岳州還復官不
言爲判官殿中侍御史堅自始末歷官亦不言其當
開元時爲國子祭酒唐書而獨見之此牒張說傳下
制改麗正書院爲集賢殿書院授說院學士知院事
唐書徐堅傳開元十三百官志開元十一年置麗
正書院爲集賢院
正院修書置院使今牒在十一年與志旣相符而說

卽首膺是任亦已榮矣然不見諸史者史有關也非
是牒後世其孰知之嗚呼此予集錄之勤且煩其有
以也夫又容齋三筆唐世符帖文書今存者絕少陸
興府總持寺有一碑凡三牒今按此牒亦足以知唐
勅牒之制如此又不獨如洪氏所見也

長堂金石跋

按少林寺裴淮碑陰分上下二截上截刻武德四
年太宗賜少林寺教下截刻武德八年及貞觀六
年賜田勅牒末題開元十一年十二月廿一日牒
蓋是時少林寺方當重新整理之時觀其開元三
年刻戒壇銘至此年又刻此碑則寺主慧覺之爲

功于寺也大矣太宗教書于武德四年既不與貞
觀六年牒同時且不與牒文一類雖同爲開元十
一年所刻自當列于武德四年其貞觀六年牒乃
本寺賜田所繫故牒尚在中書至是年始奉勅中
書判牒東都留守歸于寺僧檢校而後刻石自當
繫于是年然其請牒刊石之由碑不復詳記則寺
僧之庸可知矣且此牒又尚有可疑者貞觀六年
距武德四年祇十一年係太宗及身之事寺有翻
城之功太宗親賜教以告諭朝廷豈無人稔知之
者何以牒內有詰問當時因何不早陳論之語似

係事隔多年因而反覆辨詰然牒實是貞觀六年所給而請而刻石在開元十一年相距又九十二年何耶是皆不能明者姑存而不論云

御史臺精舍碑

碑高四尺一寸廣三尺七寸三分十八行行三十字藏書類題御史臺精舍碑六字篆書在西安府學

大唐御史臺精舍碑銘

并序

中書令崔湜任堅中侍御史日纂文

易曰吉凶悔吝生乎動也傳曰禍福無門惟人所召則蹈網罟嬰微纒聯桁楊貫桎梏可怨天尤人哉左臺精舍者諸御史導羣愚之所作也蓋先生用刑所以彰善

輝惡聖人明罰是以小懲大誡故崇崇清憲以紘以綱
而禱杭頑嚚罔知攸畏冒于側貽貪于飲食并蜂不歌
獬豸自噬夢、泚、而陷于茲者歲以千計羣公等目
而感之乃言曰天墜可逃自咎難追夫能度壹切苦厄
者其惟莊尊乎所以僉捨衆賢議立斯宇欲令見者勇
發道惠勤揆妙根悟有漏之緣證波羅之果櫻珞爲施
菩薩之導引衆生塔廟有成天人之護持正廩不有善
者人焉賴哉長安初浚始自左補闕拜殿中侍御史至
止之日其構適就遊於斯詠於斯誓首於斯咨夫衆寶
嚴身非如來之意方丈爲室蓋維摩之心故立像不務

於珍華度堂罔圖其豐壯至若丹腹竝棄剗剗都捐則
歸依之心或未多也君子之作其得中焉觀其椽之橐
之是尋是尺倚徂來之松攻荆蘆之石疊檀駢棋規櫨
渠亘錯磐螭以頓枕鏤蹲鸞以銜鋪綵愜然烟丹柱鳴
日香泉數曲環繞琉璃之地靈草百品叢時黃金之階
信可滌慮洗心逃殃寘福爲利甚博獲報無量羣公以
予忝文儒之林固以碑表相託辭不獲已而作銘曰
惟佛之國黃金界道于嗟下人誓不相好胡不歸命以
自保惟佛之士白銀爲臺于嗟下人爲惡不迴胡不稽
首以道災彼君子芳福所履芳是度揆芳不日成芳若

神營芳利羣生考

開元十二年 殿中侍御史梁昇卿追書

趙口口

碑陰及兩側題名

陰高二尺七寸廣二尺五寸三十一行分作三截書
每截字數自十二至三十三不等其兩側一五行行
五十七字一六行行
六十字各不等正書

侍御史并內供奉

盧懷慎 鄭 愔 賈虛舟 李福業

張守察 張行炭 張思義 楊虛受

舟祖雍 崔日用 王踐陸 田貞幹

李 忱 王 志 愔 崔 琬 姚 紹 之

李 朝 隱 孟 溫 禮 李 詳 姬 處 遜

靳 恒 崔 宣 道 楊 茂 謙 袁 從 之

宋 庭 璘 薛 昭 黃 守 禮 倪 若 水

裴 觀 崔 皎 崔 宣 張 損 之

韋 虛 心 蔣 欽 緒 楊 孚 常 彥 晦

潘 好 禮 崔 泣 張 曄 洪 子 輿

慕容珣 齊 處 冲 任 正 名 李 懷 讓

趙 履 冲 王 上 客 褚 琛 劉 嘉 言

霍 庭 玉 艾 敬 直 王 旭 康

楊場 吳訢 崔希高 杜暹

楊軌臣 郭震 王執言 游子鶚

馮宗 張遊 徐知仁 杜令昭

錢元敬 李承家 張沆 陳希烈

張冠宗 宋述 朱渭輔 高庭芝

宇文融 翟璋 劉升 馮紹烈

張樽 楊瑤 羅承錫 高夢松

解忠順 張明允 宋遙 劉彥回

張珣 長孫處仁 夏侯宜 班景倩

王琇 姚賊 封希顏 宋詢

薛侃侃

張景明

宋溫瑗

元彥冲

邊冲寂

張浚

鄭觀藝

雍惟良

韓宣

李濯

李昂

裴曠

長孫孝紀

李知柔

郭虛己

裴敦復

崔季友

竹承構

盧見義

許融

裴曠

裴令臣

王審禮

竹承構

雍惟良

裴歆

張倚

韋伯詳

李高年

張光奇

鮮于仲通

崔口

殿中侍御史并內供奉

崔湜

陸景初

王守廉

程行誼

裴濯

封無待 高 恂 田貞幹 王 璵 王志愔

王道洽 辛長孺 呂延祉 馬懷素 張思義

魏奉古 宋慶禮 鄭景復 柳 玟 韋 抗

楊虛受 張 應 傅黃中 楊 洎 姬處遜

齊處沖 袁守一 王履道 崔 琬 宋庭璘

鄭 勉 崔子源 鄭 瑤 樊欽貴 趙昇卿

任奉先 李 乂 韋仲昌 卨 炅 李 誠

獨孤州 苗延嗣 司馬銓 崔 液 陳惠滿

蔣欽緒 韋 鏗 格 遵 李 察 簫 嵩

敬昭道 和逢堯 趙履冲 張 晤 崔 沔

霍庭玉 楊軌臣 李全昌 柳澤 梁漢

翹先冲 崔安儼 杜令昭 李庭口 游子鸞

王執言 張遊 貢嘉靜 朱渭輔 王易從

李全交 徐知仁 張敬輿 崔隱甫 李庭誨

李畚 郭震 崔棕 徐元之 杜咸

高力範 王旭 李謹度 宋遙 張冠宗

楊瑒 元光大 張昶 張烈 張搏

康淮 許景先 楊光羽 張沈 羅承錫

劉升 韓琬 陸景勝 趙冬曦 王沛之

皇甫翼 韓朝宗 馮宗 杜暹 王琇

鄭溥 封希顏 宋溫瑗 宇文融 姚賊

宋鼎 焦如璧 張景明 辛怡諫 薛自勸

梁昇卿 許融 長孫處仁 劉昂 韋洽

趙頤貞 夏侯宜 李濯 薛珣 元彥冲

崔希逸 馮紹烈 孫濟 李知柔 楊瑊

崔季友 長孫孝紀 楊瑊 宋宣遠 韓宣

盧怡 何千里 夏侯皓 劉日正 咸廩業

崔季友 張倚 張晉明 樊希一 薛侃侃

雍惟良 李秀芝 霍栖梧 竹承曄 劉彤

高夢松 康珽 韋恒 張倚 許融

趙彥暉 劉彥回 馬光淑 裴 歆 鄭宏之

李 昂 班景倩 裴秋腹溫 馮光嗣 唐堯臣

李 頤 楊 德德宋 詢 王 燾 李 宙

郭 佺 李 麟 郭虛己 李 燈 裴令臣

源光譽 盧見義 裴茂暉 源元棖 楊 汪

徐 暉 陽 潤 姚子彦 吉 溫 賀蘭進明

監察御史 并口口口 李頤行 賀遂涉 二人

李
之下

陸景初 辛長鵠 柳 詮 裴子餘 王守廉

司口口 口口口 口口尋 李元敬 路幼玉

王景	張佖	李誠	王怡	李朝隱
祖夙	口口口	口從訓	蕭嵩	褚璩
李恆	李懷讓	楊挺	李庭言	宋庭璘
冑嘉慕	陸大亨	譚璠	齊澣	柳澤
郭震	李畬	魏傳弓	封愔	裴淮
姬處遜	嚴識元	袁從之	苗延嗣	宋宣遠
鄭溥	趙履冲	林洋	王沛之	王志愔
韋鏗	閻存心	陳璫	陳惠滿	崔希高
張列	張遊	王道濬	宋述	崔琬
袁守一	邵炅	李守質	杜咸	陸惟逸

負嘉靜 楊 瑤 鄧守敬 鄭齊嬰 魏奉古

崔子原 程文英 王 哲 盧微明 楊元瑤

張 嵩 鄭 力 劉 沼 楊軌臣 司馬銓

齊處冲 李尚隱 樂山甫 鄭溫琦 蔣 岑

劉 升 程九皋 梁 渙 夏侯宜 趙昇卿

高昌瑀 王上客 洪子輿 竇慈遜 張 晤

陸景獻 韓朝宗 張敬輿 徐元之 鄭 瑤

崔 琮 敬昭道 賈彥璿 李知古 李全父

梁昇卿 楊 斌 朱渭輔 徐知仁 慕容珣

負 峴 李 璵 韓昭尤 張 法 郭 震

徐惲 孫濟 蕭隱之 李如璧 盧虞

陳希烈 杜暹 張李瑀 張宣明 蔣挺

蕭誠 劉太童 皇甫翼 蕭誠 王邱

韋紹 杜令昭 宋鼎 崔液 崔瑋

劉日可 宋溫煖 張景明 羅承錫 趙先冲

崔慎從 宋遙 慕容琦 鄭虛心 呂元泰

張珣 杜昱 韋洽 崔訓 楊至元

馬光淑 張樽 魏季隨 許融 穆思泰

薛自勸 呂需 盧怡 李謚 盧金友

馮光嗣 高夢松 胡景濟 樊希一 霍庭玉

慕容琦

霍栖梧

康狄履温

李庭誨

韓琬

崔頌

宋希玉

裴令臣

李珣

吳太元

馮紹烈

竹承構

梁勛

楊光羽

李畚

呂蒲

苻子璋

崔譚

崔季重

張昶

班景倩

郭佺

何千里

封希顏

韋仲昌

李昂

張具瞻

劉同昇

周擇從

元光謙

宋詢

韋恒

王翼

程烈

李謹度

裴敦復

趙賓

杜庭誠

陳九言

鄭溥

李愷

李秀芝

賈晉

夏侯鈺

張浣

嚴杲

張利貞

房自謙

彭杲

席豫

于鴻卿 馬光淑 楊奉一 李承先 盧襲秀

崔先讓 蕭諒 張環 董琬 王執言

成虞業 裴令臣 張景明 楊仲昌 姚賊

常無欲 徐履道 李暉 李元成 鄭力

王燕 薛瞻 霍栖梧 莫行愔 趙彥聃

李觀 裴葳暉 鄭昉 楊育金 宇文融

郭庭倩 何宸 許誠惑 常無欲 苗晉卿

陳伾 張思鼎 張元愔 權徽 薛自勸

元彥冲 孫翊 馬元直 李觀 盧茂伯

郭虛己 劉遵睿 明虛己 姜立祐 薛侶侶

薛榮先	徐建	吳鞏	斐曠	劉綰	雍惟良	王惲	字文順	郭佺	康珽
蔣沆	程荆杞	楊汪	王大鎮	馬思察	裴肱	王翼	靳豫	李級	徐光期
薛摠	裴季通	陳繇	郭虛己	趙輝庭	陳伾	薛蠟	李昂	張曉	苻子璋
口口	韋誠奢	裴子建	王靈漸	穆庭斐	盧茂伯	房瑄	郭佺	鄔元昌	苗晉卿
崔口	朱若思	平口	薛忻	顏真卿	王璿	邵瓊之	賈昇	竹承構	王靈漸

碑陰下層題名

周 口 韓 賞 王 維 元 揭 豆 盧 友

康 瀾 梁 沅 楊 惠 盧 紘 蔡 九 皇

盧 執 口 羅 希 口 于 履 口 許 論 姜 紹 口

楊 釗 崔 寓 源 少 良 韋 鎰 王 璵

楊 日 休 張 惟 一 賈 彥 璋 宋 少 貞 楊 諫

鄭 毓 胡 口 口 口

碑中嵌人題名

鄭 恩 薛 誠 二人書在并序二字之下 鄭 韜 會 二 十 七 日 寫

直 九字二行左行在撰文字下 韋 退 之 馮 緘 薛 昉 三人書在銘末

庚午歲

三字在開元字之左

碑左棱題名

口杜 王叔達 王翼 李志遠 章仇兼瓊

吳 鞏 韋恒 邵 口 王叔達 楊慎矜

達奚珣 房自厚 趙陵陽 周子諒 常從心

韋芝 康 瀾 鄭欽說 韋叔將 許遠

沈震 鮮于仲通 蔡希周 張 口

碑右棱題名

劉劬復 崔 寓 姜超羣 呂述 殷忠趙廣微

李 愔 元孝韓 王元瑾 皇甫侁 李之芳

李彥超 周德遠 韓賞 王維 柳口

口口 胡粦倩 王曾 蔣思之 口琯

口口

碑陰左棧題名

王維 趙廣微 李憺 元孝綽 王元瑾

皇甫仇 李之芳 宋口 王縉 崔寓

劉芬 蔣思之 周德遠 成同 孟庄朝

盧播 張口口口 杜口

碑陰右棧題名

楊慎矜 姚闕 崔冲 李麟 董琬

姜立祐 劉濠 陳繇 鄭昭 呂周
明虛己 張景淑 蔣列王 佶 蔣演
鄭審 羅文信 賈賁 趙廣微 李憺
元孝綽 口 口

碑左側題名

郭佺 郭虛己 李昂 盧茂伯 賈昇
盧見義 顏允威 康雲開 鄭宏之 王璿
張利貞 袁楚客 徐履道 元雲將 李融
郭虛己 李常 李睟 韋恒 裴敦復
裴曠 馬元直 許誠感 常無欲 李觀

苗晉卿 王大鎮 盧茂伯 王靈漸 賈昇

趙賓 張具瞻 獨孤通理 薛忻 崔譚

王璿 韋虛舟 韋恒 張利貞 蕭諒

徐履道 張思鼎 靳觀 王翼 李級

張烜 元雲將 范正則 許誠惑 鄭昉

魏方進 董琬 李暉 賈昇 張具瞻

獨孤通理 趙賓 張子漸 薛忻 王璿

劉遵睿 張秀明 蕭諒 裴藏暉 張利貞

李崗 李解 徐履道 張思鼎 王翼

李級 元雲將 楊慎矜 崔冲 張景淑

權徹 姜立祐 李挺之 房自厚 崔諱

劉同昇 杜庭誠 魏方進 呂周 達奚珣

邢巨 李珣 鄭章 趙陵陽 周子諒

常從心 崔灌 庾光先 尹中言 徐浩

李抗 王可觀 王鉷 李丹 杜嶠

王掄 崔翰 張重光 李鼎 薛兢

呂指南 黃麟 曾宗穎 李遇 邢巨

竇顯 崔伯陽 陽陟 馬貺 李華

趙悅 楊玘 康羽 李彥允 李暉

張省躬 沈庠 馮損 趙克忠 韋儼

韋之口 李舒史口 祁順之社敬
李口 張瑄楊口

碑右側題名

侍御史兼殿中

鄭澥 崔元唐唐技陳會李元

張萱 劉芬楊釗 胡晏倩 李彦允

李彥超 王維 柳奔 李抗 崔倫

賀遂回 李必 盧翊 崔審文 趙蕃

崔冲 吳口之 姚閑 賈彥璋 穆庭斐

盧鉉 羅文信 李高年 王伋 張曉

崔倫 李抗 蔡九皋 蔣冽 張光奇

趙輝庭 賀遂回 趙良器 源少良 王鉷

盧欽顏 鄭審 楊恂 陽潤 姚子彥

鄧元昌 李光輔 王佶 蘇震 王興

任淳 王光大 司馬垂 羅希夷 姜超口

蔣演 呂指南 鄭章 鄭炅之 邵瓊之

吳伋 杜孝友 曾崇頴 崔口 王興

楊日休 黃口口口 韓賞 楊釗

平列 鄭欽說 蘇震 獨孤問俗 劉策

黃錫 王端口口 趙克忠 李彥口

沈震源洧楊玘□□□

李璿李舒張□馮損蔡希周

韋□□□□李抗司馬垂侍御史楊慎矜

穆庭裴王光大□□□李彥允張萱

趙良器王鉉鄔元昌黃麟劉芬

崔浩王佶許遠李遇許遠

宋銛楊玘源洧李彥允□□

裴周南王端張瑄□□李抗

元恕□韋黃裳劉芬元從王元□

皇甫先李之芳監察□□房休崔倫

鄭日進 李 □ 盧 □ □ 楊式南 郭順 □

□ □ □ □

碑額題名

監察御史

鄭權 李師素 蕭佐 常署 崔宣

李抃 皇甫衡 李樞 楊翺 羅讓

賈全 薛貢 盧深威 崔邺 鄭衮

韋璋 鄭膺甫 段平仲 陳歸 韋顯

獨孤朗 崔鄴 □ □ 道 劉元質 馬暢

韋貞伯 吳丹 盧虔 裴復 孫革

于申 徐宏毅 斐次元 盧侃 李宣
崔師本 李儋 唐武殷 台 劉師光
嚴澗 常仲儒

碑陰額題名

知雜侍御史

自天寶元
載已後

孫景商 崔罕 殷台 楊嗣復 張士階
楊泰 路異 楊慎矜 王鉉 張瑄
楊釗 崔寓 盧執顏 吉溫 顏真卿
裴冕 竇華 張惟一 崔灌 顏允臧
韋審規 韋中立 唐武武 高宏簡 劉蕠之

馬錫 姚高栢 鄭昂之 趙口 侍御史楊申

盧虔 監察御史敬 騫 平致和 李彤

李欽 馮邈 羅讓 韋顥 張莒

鄭楚相 裴竦 監察楊翊武 徹 常著

蔣鍊 長孫繹 竇鞏 邵說 袁濟

王沐

御史臺精舍記崔湜纂梁昇卿書讀其文則湜於佛
可謂篤信者矣唐書列傳云桓彥範等當國畏武三
思使湜陰伺其姦而三思恩寵日盛湜反以彥範等
計告之遂勸三思速殺彥範等以絕人望因爲其外

兄周利正以害彥範等又云湜貶襄州刺史以譴王
事當死賴劉幽求張說救護得免後宰相陷幽求嶺
表諷周利正殺之不果又與太平公主逐張說其餘
傾邪險惡不可勝紀世言佛之徒能以禍福怖小人
使不爲惡又爲虛語矣以斯記之言驗湜所爲可知
也故錄之於此其碑首題名多知名士小字頗佳可

愛也

集古錄

御史臺精舍記唐中書令崔湜撰梁昇卿八分書漢
承秦制御史爲丞相貳其後以寺隸之然立精舍以
居書傳所見最先包咸東海立精舍教授在西漢末

顧提謂此佛之所舍昔漢處摩騰洛陽西建精舍爲
始誤也按釋書以靜居爲精舍致一爲精不使雜也
古之齋心服形其居必有可默存者今人猶闢屋爲
齋謂如齋戒以守獨不可以精舍名乎蕭摹之請興
塔寺精舍詎二千石庾子興造佛寺因立精舍嶺南
原明僧紹住弁輪山栖雲精舍此皆謂梵所居然書
生立學昔傳此名豈致道之所惟精一得之邪昔魏
武嘗曰譙東五里卜築精舍秋夏讀書其後徐度折
節學問精舍唐僧淵立精舍豫章阮孝緒以一鹿車
爲精舍徐伯珍立精舍祜蒙山陳寔立精舍講授張

郡戴舅立黃鶴山竹林精舍張漢直其弟出精舍數
里遇之伯珍蒙山立精舍則古人於其居以名自警
思致其精也後世便以爲精舍皆寺湜之嗜利蔑學
其可責以此哉

廣川書

漢史列傳具載包咸劉淑植敷李充所立精舍而唐
御史臺精舍史闕弗錄蓋彼四人者皆以請授諸生
此則以奉浮屠氏故略之耳幸有此碑可存當時故
事也

黃文獻公集

唐史稱梁昇卿善八分東封朝觀碑聲華爲一時冠
此帖亦可寶也獨御史臺持憲之地乃立精舍倡諸

繫者禮佛懺悔昔獄吏命祝咎繇范孟博猶非之况
佞佛乎崔中令湜固盛言因利結西方緣矣不知附
禁衛事發曳銀鎗時佛亦當庇引之否爲之一笑

并州

山人四
部稿

此梁昇卿追書崔湜文湜人品殊污人齒頰而昇卿
尚追書其文何也豈唐世重佞佛湜之立精舍于御
史臺適投時好耶但昇卿分隸聲動一時東封朝覲
碑史冊稱之今觀此碑名不虛耳 碑陰題侍御史
并內供奉殿中侍御史並內供奉監察御史名共六
百餘人參差不齊分書者五十六人餘皆正書書有法

不似后世胥吏書也

石墨
特華

碑陰題名表其上格曰侍御史并內供奉列盧懷慎等名中格曰殿中侍御史并內供奉列崔湜等名下格曰監察御史下有一并字下缺不全列陸景初等名其盧崔陸三人姓名並八分書蓋梁筆也餘則正書乃後人續書之者 碑額空處前後皆有刻前刻監察御史及姓名後刻知雜侍御史及姓名有自天寶元載以後七字按天寶三年始改年爲載不當云元載恐是追書 宋趙彥衛雲麓漫鈔曰唐有三院御史侍御史謂之臺院殿中侍御史謂之殿院監察

御史謂之監院 讀此文知唐時御史臺有獄又於

其旁立精舍援引釋典以勸人回心作善然考之舊

唐書開元十四年崔隱甫爲御史大夫在職強正無

所迴避自貞觀年李乾祐爲御史大夫別置臺獄有

所鞠訊便輒繫之由是自中丞侍御史以下各自禁

人牢扉常滿隱甫引故事奏以爲不佞遂掘去之則

其獄未幾而廢又言溫造爲御史中丞大和二年十

一月官中昭德寺火宰臣兩省京兆尹中尉樞密皆

環立於日華門外令神策兵士救之唯臺官不到造

奏以臺有繫囚恐緣爲姦追集人吏隄防所以至朝

堂在後則又不知何時而復置也

新書隱甫傳云其後患囚住於或

泄復繫之

尉院云 宋時亦有臺獄會肇記云始自開寶五年

金石文

字記

唐自貞觀中李乾祐爲御史大夫別置臺獄囚當訊
就近拘繫之其漸也侍御史東西推監察御史糾視
刑獄各禁其囚迨武后時來俊臣侯思正皆爲御史
制獄之外臺獄圜扉恒滿崔隱甫總臺務言于朝搢
去於是旁列精舍以釋典懺之崔湜爲文梁昇卿書
以八分開元十一年勒諸石碑陰列侍御史殿中侍
御史監察御史并內供奉銜題名僅盧懷慎崔湜陸

景初三人亦昇卿分書自懷慎以下正書百二十二
人侍御史也自湜以下正書百八十四人殿中侍御
史也自景初以下正書三百四十七人監察御史也
碑額又有天寶元載以後侍御史知雜侍御史監察
御史共五十人而碑之左右推拓不及焉中有薛倬
倬者二名重文碑凡三見此唐一代所僅有也昇卿
自監察御史歷殿中侍御史遷侍御史再遷太子右

庶子

曠書
亭集

朱彝尊云唐自貞觀中李乾祐爲御史大夫別置臺
獄崔隱甫總臺務言于朝擢去于是旁列精舍以釋

典獄之按舊唐書隱甫爲御史大夫在開元十四年
碑云長安初湜自右補闕擢殿中侍御史至止之曰
其構適就是去臺獄作精舍在隱甫爲御史大夫二
十餘年以前何得云自隱甫始也

金石存

文云左臺精舍者諸御史導羣愚之所作也長安初
湜自左補闕拜殿中侍御史至止之日其構適就蓋
自武氏稱制告密之法熾羅織之經行日殺無辜如
刳羊豕其後周興侯思止來俊臣之徒相繼伏誅用
刑稍平而歲繫臺獄者猶以千計於是執法之吏於
獄旁作精舍假佛法以懺之雖云導人作善道災亦

痛逝者之含冤地下不得已而爲資其冥福也

潛研堂金

石文
跋尾

按碑題御史臺精舍長安志載皇城承天門街之西第六橫街之北御史臺元和四年御史臺佛舍火罰直御史李膺一季俸料此佛舍似卽憚所謂精舍也文爲中書令崔湜任殿中侍御史日所繕湜之官中書令在先天元年八月其任殿中侍御史以修三教珠英得遷在神龍以前其罷中書令流竇州在開元元年七月行至荊州賜死此碑立于開元十一年距其篡文之日又十九年不知何

因而追書其文以刻石也書碑者梁昇卿唐書附
韋抗傳工八分書歷廣州都督碑陰題名上截凡
侍御史并內供奉一百二十二入殿中侍御史并
內供奉四百九十七人下截及左右棧不書官位
者一百十九人中間攙入鄭韜會二十七日寓直
一行左側題一百三十三人右側題侍御史兼殿
中一百三十八人碑額題監察御史四十二人碑
陰額題知雜事御史五十一人而知雜事御史之
下有云自天寶元載已後則非開元十一年一時
所刻矣揣其情當由御史臺官因崔湜爲中書令

追書湜之文欲刻臺中而未果至開元十一年始
爲刻石距湜之死又十一年矣碑陰題名重複自
再見以至三見四見者不一而足或由前後屢任
則屢書之然亦不盡符合者今撮舉數人與兩唐
書傳攷之如顏真卿再見傳云開元中舉進士四
命爲監察御史遷殿中侍御史轉侍御史据碑侍
御史內不列真卿名殿中侍御史及知雜侍御史
有之苗晉卿三見傳載進士擢第由萬年縣尉遷
侍御史此後不云再任御史王維三見傳云開元
九年進士歷監察御史後亦不云再任楊慎矜再

見傳云開元中拜監察御史丁父憂二十六年服
闋累遷侍御史授大理評事攝監察御史數年又
專知雜事天寶二年權判御史中丞是不止于再
任矣餘如鮮于仲通獨孤通理李彥超苗延嗣徐
履道王翼張利貞達奚珣皆再見趙廣微三見李
彥允四見皆無傳可攷無從定其合否大抵此碑
出于吏胥工人之手殆不足深据也題名中凡單
名者姓下闕一格書令與二名者齊此例始見于
此

沁州刺史馮公碑

碑連額高九尺八寸廣三尺八寸五分二十行行三十七字隸書額題大唐故朝散大夫守沁州刺史馮

公之碑十六字

篆書在咸陽縣

崔尚撰

吾聞口君口曰古之孝者口口口德口口口碑口明
示於後代也故今之孝者馮氏三子道口崇口口口
論口口口口口口口口口文曰公諱仁口字口
諱長樂人夫馮文王之嚮也畢萬口封于魏文口口口
口馮口口口口有自來矣口口流長枝分葉散衣冠人
物史課存焉曾祖口口口隨官口尚書兵部郎贈銀青
光祿大夫吏部尚書昌黎公諡曰壯武望重一時氣雄

千載□□□外臣嘉遜不仕□壽祖若□□刷幽
貞□于我公復修祖業特有奇稟識密洞微德暉內藏
道氣潛運□可□□無爲□不□俗□□泊其真羣
居岡見其□處會通默養空而浮代莫能知齋以□守
□□□□□清□之□□□以琴書□娛優哉□□
□□□□所謂逃名避聲□已會景龍□年□

同心戴舜以爲

天子□□□□銀青光祿

大夫鴻臚卿冀國公實封三百戶銀印青綬昭其□也
皂蓋朱轡昭其位也□□□□昭其□也□□□□昭

□□□□□□孝子□□垂□無窮

上大夫下監丞太原郭謙光書上十日壬申立

此當是道士馮道力父名仁□字太元道力與劉成
祖占元宗當受命潛布款誠開元中拜道力銀青光
祿大夫冀國公而又拜其父朝散大夫使持節池州
諸軍事池州刺史也開元十一年五月卒十一月壬
申葬咸陽北原建碑今在長陵西碑云意得元珠謀
參黃石同心戴舜以爲天子蓋指元宗受命事也書
者爲國子監丞郭謙光謙光又嘗書韋維碑見鄭樵
金石畧朱長文古碑考則其書亦小有聲者此碑分

隸自是名家惜剝蝕不可搨余與王咸陽從碑上錄之王公刻入金石遺文字多舛謬攷道力與劉承祖同事承祖開元十年坐姜皎事配雷州詔百官不得與卜祝之人往來而道力父向爾建碑禍不及耶以道力事不顯故參攷而著之

不墨
集華

右碑在縣東四十里漢長陵西下里許野中字八分書剝落過半存者儘有可玩近下半入土中北望平行莫識墓之所在拂拭苔蘚辨別形似讀之如右郭監丞當時名筆又分書唐太子右庶子韋維碑古碑考載在京兆向未搜得見是碑亦差慰想並記

咸陽
金石

文遺

右沁州刺史馮公碑文多漫漶其篆額云大唐故朝
散大夫守沁州刺史馮公之碑凡四行十六字完好
可讀此碑歐趙錄皆無之始見於寶刻類編近世金
石家題爲池州由未審篆文之故攷唐書地理志池
州武德四年以宣州之秋浦南陵二縣置貞觀元年
州廢永泰元年復析宣州之秋浦青陽饒州之至德
置碑立于開元中其時未有池州也據寶刻類編云
碑以開元廿二年立今摩滅莫能辨矣

潛研堂金石文跋尾

按碑題諸家皆作池州今驗碑實是沁州此州元

和郡縣志新唐書地理志所載互異元和志云沁
州陽城郡開皇十六年置大業二年省武德元年
重置新唐書云沁州陽城郡本義寧郡義寧元年
置天寶元年更郡名舊唐書地理志則云隋上黨
郡之沁源縣義寧元年置義寧郡武德元年改爲
沁州天寶元年改沁州爲陽城縣乾元元年復爲
沁州是舊史較詳于元和及新書也要之天寶元
年始改州爲縣此碑立于開元十一年尚有沁州
之名也碑無歲月但据文云以口口十有一年夏
五月庚午終于京邸十有一月十日壬申葬于咸

陽北原末云十日壬申立以通鑑目錄證之開元
十一年十一月壬戌朔則壬申是十一日非十日
此十日字似碑微有勅文當作一日也是歲四月
乙未朔六月甲午朔則五月或乙丑朔或甲子朔
庚午在初六七日也据此是可定爲開元十一年
矣文稱其先世曰馮文王之允也畢萬封于魏云
云語本元和姓纂周文王第十五子畢公高之後
畢萬封魏支孫食采于馮城因氏焉碑叙曾祖以
下名諱俱勅無可攷長樂馮氏之列子唐書者惟
附見儒學唐子元傳有云上谷侯行果平陽敬會

真長樂馮朝隱同進講朝隱能推索老莊祕義終
太子右諭德亦開元初人不知于馮公是何輩行
也馮公之子道士馮道力舊唐書元宗紀稱道力
與處士劉承祖皆善于占兆詣上布誠欵上乃與
太平公主謀誅韋氏又與寶昌寺僧普潤等定策
誅之蓋定策誅韋氏時普潤在其列道力不與也
新唐書元宗紀則云與道士馮處澄僧普潤定策
討亂處澄似卽道力別名是道力與普潤同定策
矣資治通鑑則云兵部侍郎崔日用素附韋氏與
宗楚客善知楚客謀恐禍及己遣寶昌寺僧普潤

密詣隆基告之勸其速發是但有僧普潤而不及道士馮道力紀事本末卽引通鑑之文通鑑綱目則并普潤名削之馮道力兩唐書方技無傳無從攷其事跡摭葉法善傳云睿宗卽位法善有冥助之力可知當時道士之術力傾動人生者非一人矣道力定策事爲兩史本紀所書則碑所云意得元珠謀參黃石云云信非虛語書碑者郭謙光集古錄載崔敬嗣碑景龍二年胡皓撰謙光書稱其字畫筆法不減韓蔡李史匹家而名獨不著是又不獨書韋維碑也

金石萃編卷七十四終

金石萃編卷七十五

賜進士出身 誥授光祿大夫刑部右侍郎加七級王昶撰

唐三十五

高延福墓誌

石高廣俱三尺一寸五分二
十七行行二十七字行書

大唐故中大夫守內侍上柱國渤海高府君墓誌銘并序

麗正殿修撰學士校書郎孫翌字季良撰

夫勞息之理達人一之然時當大明職近

皇位父子併肩而事主君臣同體而多歡而

萬石之慶一朝無怙可不悲矣府君諱福字近福渤海人也啓土受氏明諸典箴曾祖權祖祖父護並砥如石焉厥有全掾安時處順憂患不能入愆忿望愆軒冕莫之榮且豢貴隨時雅明尊祖我府君始議從政有光前烈傳曰九變復貫知言之選此之謂矣府君幼而晦名長而藏用體敬仲之慎兼伯楚之忠解褐拜文林郎守奚官丞秩滿遷本局令稍轉宮閣令兼謁者監竊以聖人之教父因子貴府君之寵嗣曰力士 我大君

之信臣也頃國步多艱而守謀立順以功拜右監門大將軍兼食本邑盡力 王室志存匡輔元勲爛然

天眷攸屬府君以大將軍之故特拜朝議大夫
守內侍員外置尋遷中大夫正除本官出入四代凡更
六職行不違仁言必合禮由是無黜擯無怨尤恭而能
和簡而且肅德著於官掖名成乎寮友而稟命不融識
者歎欷以開元十一年十二月廿五日終于耒庭里之
私第春秋六十有三大斂之曰 天王遣中使臨

弔賜絹三百匹明年太歲在甲子正月壬戌朔廿一日
壬午遷窆於京兆府白鹿原之西隅禮也緣喪事儀衛
並皆官給可謂哀榮始終禮泊泉壤初府君旁通物情
往往造極以爲生者神之主死者神之歸歸乎本真曷

足懷也乃謀龜筮相川原經兆域畚封塋自爲安神之所而松楸蒼然矣君子謂高公於是乎知命府君自公之餘存乎上善每持專一之行深入不二之門範聖容寫真偈雖衣食所窘此心不易斯又迴嚮之能事也將軍茹荼長號哀述舊德竊慙不敏敢讓其詞銘曰

佳城一閉兮三千年棘人樂樂兮言窮泉出郭門而一望兮見隴樹之生煙君寧見賓御之惻然皆撫墳而涕漣

右內侍高福墓誌按唐書力士傳力士本馮益之曾孫中人高延福養爲子史不云名福者以字行也碑

云頃國步多艱而守謀立順謂誅蕭岑等功也尹知
章傳季良偃師人一名翌仕歷左拾遺集賢院直學
士趙冬曦傳與校書郎孫季良入集賢院修撰碑稱
麗正殿修撰學士者開元十三年始改麗正修書院
爲集賢殿書院其時尚未改名也季良以字行故書
名兼及其字

潛研堂金石文跋尾

福字延福武后時中人初爲美官局丞轉局令再轉
官闕局令兼內謁者監以養子力士貴拜中大夫守
內侍上柱國新書力士傳云力士幼與母麥相失後
嶺南節度使得之隴州帝爲封越國夫人而追贈其

父廣州大都督延福與妻侍養亦與麥均舊書云力
士義父高延福夫妻正授供奉與碑稱仿佛皆合力
士以誅蕭岑功拜右監門衛將軍碑云大將軍蓋史
是唐制左右監門衛大將軍正三品將軍從三品少
士之封大將軍在天寶初此時未得稱此也中官以
內侍爲最貴內侍拜將軍自開元以前無之唐六典
云中官之貴極于內侍若有殊勛懋績則有拜大將
軍者然仍兼本職六典作于是時殆卽因此等事言
之耳 此碑向在農家幾爲柱礎者數矣乾隆辛丑
五月余以二萬錢購得之今移置于靈巖山館

記

張說爲高力士撰祭父文云小子不天夙齡凶閔身
嬰寇剽家值虜裂幸充掃洒遂蒙侍從又云阿母遺
至於京華妹兄自拔於泥滓與新唐書力士本傳語
合而如孫翌墓志則一字不提直云聖人之教父因
子貴府君之寵嗣曰力士云云殊失紀實之道然據
張說云云則力士特一粵東姓馮者耳而力士碑乃
妄以爲馮盎之後則非也

城術編

按碑云府君諱福字延福兩唐書高力士傳俱直
作高延福舊唐書傳云高力士潘州人本姓馮少

開與同類金剛二人聖歷二年嶺南討擊使李千
旦進入官則天令給事左右後因小過撻而逐之
內官高延福收爲假子延福出自武三思家力士
遂往來三思第開元初力士加右監門衛將軍知
內侍省事義父高延福夫妻亡授供奉嶺南節度
使於潘州求其本母麥氏送長安令兩媼在堂備
于甘脆金吾大將軍程伯獻與力士結爲兄弟麥
氏亡伯獻於靈筵散髮具纊經受寶帛荅十七年
贈力士父廣州都督麥氏越國夫人新書傳云高
力士馮盎曾孫也力士幼與母喪相失後嶺南節

度使得之隴州迎還不復記識母曰胥有七黑子

在否力士袒示之如言母出金環曰兒所服者乃

相持號勳

餘與舊史同

新書馮益傳益字明達高州良

德人隋煬帝時拜漢陽太守遷左武衛大將軍隨

亡奔還嶺表據有番禺蒼梧朱崖地自號總管武

德五年降高祖授上柱國高州總管封越國公子

智戴春州刺史智或東合州刺史益徙封耿益卒

贈左驍衛大將軍荊州都督子三十人据傳稱力

士爲益之曾孫据馮君衡墓誌銘

張說撰詳下文

則力士

爲益次子智玳之孫君衡之子不知因何君衡亡

後寇剽虜裂致有麥氏與力士母子相失之事碑
云聖人之教父因子貴府君之寵嗣曰力士蓋不
直言繼子也攷張燕公集有內侍高君神道碑則
云內侍高延福者將軍力士之嗣父也將軍本系
馮亭代家南越未知父母來奉宮闈老而無子曰
悲幼而失親曰苦父子之名既定姓氏之目因移
至矣哉高氏之子以思親之願而展親以欲報之
誠而報德乃有傍求聖善提挈炎州二紀積離萬
里遙至音容莫識涕對茫然驗七星於子心認雙
環於母臂於是盡歡兩姐兼敬三人羣公賀咸渾

之親天子恤馮勣之母內侍享年六十有四開元
十二年終于來庭里明年五月葬于長樂原繼子
力士喪孀慕而加等葬罄誠而備物云云此文較
碑爲詳覈且可與兩史傳所載馮氏父母事互相
發明也惟是享年六十四碑作六十三開元十二
年終于來庭里碑作十一年明年五月葬于長樂
原碑作正月彼此不同据碑云太歲在甲子正月
壬戌朔廿一日壬午以通鑑目錄推之甲子歲是
開元十二年爲高福卒之明年是歲二月辛卯朔
正月是壬戌朔與碑合則燕公集傳刻誤也碑云

遷之于京兆府白鹿原之西隅燕公撰神道碑作
長樂原按元和郡縣志白鹿原在京兆萬年縣東
二十里長安志云在縣東南二十里至長安志有
長樂坡無長樂原疑卽長樂坡在長安縣東北一
十里卽澹水之西岸十道志曰舊名澹阪隋文帝
惡之改曰長樂坡漢長樂宮在其西北也是長樂
坡與白鹿原道里有東南東北之別則未詳孰是
矣碑云謀龜筮相川原經兆域畚封塋自爲安神
之所松楸蒼然此蓋自營生墳也墓志記生墳始
見于此力士之本生父馮君亦見張燕公集有贈

潘州刺史馮君神道碑云公諱君衡文苑英華字無君字

正平祖益二子知璣新唐書馮益傳作智戴高州刺史傳作

子知玳傳作恩州刺史傳作東公荊州之孫恩州

之子開元十七年五月十二日薨于西京來庭里

粵八月二十二日文苑英華作安厝于長樂原之

新域英華作城恩詔追贈潘州刺史招魂而合葬焉此

文亦可與高福碑誌及兩史傳互相發明因附錄

之招魂合葬事亦始見此文

淨業法師塔銘

石高二尺六寸廣二尺八寸二十六行
行二十四字正書在長安縣香積寺

大唐龍興大德香積寺主淨業法師靈塔銘

并序

正字畢彥雄文

禪月西隱戒燈東照談其利俗稀代稱賢智炬增輝法師一人矣法師諱象字淨業趙姓族著天水代家南陽冠冕相輝才名繼美因官從屬今爲京兆人也父勉天馬監沉默攸傳安界適務時英間出奔業於儒門從法化生獨鍾於釋子法師卽監之仲子也器宇恢疑風儀宏偉長河毓量汪然枯地之姿秀岳標形峻矣干天之氣髯年慕法弱冠辞榮

高宗忌辰方階落彩帔緇

七日旋登法座觀經疑論剖析元微念定生因抑揚理

要法師夙棹元津早開鑒鍵入如來密藏踐菩薩之空
門凡所闡揚無不悅可歎未曾有發菩提心棄其歸戒
者日逾千計法師博濟冥懷沖用利物嘗以大雄旣沒
法僧爲本每至元正創啓周飾淨場廣延高僧轉讀眞
誥游興勝會法服精鮮受用道資出於百品預茲位者
應其成數所施之物各發一願願力宏博量其志焉風
雨不已廿餘載菩薩以定慧力而大捨法財此之謂也
無適非可住必營建厥功居多思力如竭粵延和元年
龍集壬子而身見微疾心清志凝夫依風以興隨煙而
散來旣無所去復何歸夏六月十五日誠誨門賢端坐

金石錄卷之三
八
瞪視念佛告滅嗚呼生歷五十有八卽以其年十月廿
五日陪乏于神禾原大善導阿梨域內崇靈塔也道俗
聞湊號惋盈衢不可制止者億百千矣門人思頊等乃
追芳舊簡撫羨遺編永言風軌思崇前迹空留蹟骨之
形敢勒鉢衣之石其銘曰

佛曰旣隱賢雲乃生傳持正法必寄時英時英伊何猗
嗟上人捐軀利物愛道忘身磨而不磷涅而不緇博濟
羣有是真法師定慧通悟檀那上施顙力宏廣成無住
義應真而來代謝而往哀哀門人撫膺何仰靈德若在
休風可想敢勒遺塵銘徵泉壤

開元十二年甲子之歲六月十五日建

正字畢彥雄撰文而無書者名正書法亦習精登善

者楊修齡侍御在長安日丞賞之遂多搨者

石墨
錦華

碑云師以延和元年六月見微疾而告減按睿宗景
雲三年正月改元太極五月改元延和八月元宗卽
位改元先天一年之中三次改元故司馬公通鑑冠
以先天而太極延和則附見于其後乃紀事法也若
此碑直序法師寂滅之時適當延和初改則以爲延
和元年而已

金石
錄補

淨業姓趙氏父廸爲天馬監唐書百官志太僕之屬

有沙苑樓煩天馬監開元二十三年廢卽其職也字

書無刻字蓋迺之別

潛研堂金石文跋尾

魏國公楊花臺銘

序石高八寸五分廣二尺二寸二十五行行九字銘

石高一尺廣二尺五寸七分十九行行八字並正書

在西安府

花塔寺

魏國公楊花臺銘 并序

判官亳州臨渙縣尉申屠寂撰

原夫真性卽空從色聲而有相道源無體因法教以泐
流所以人天捨千萬之資神鬼建由旬之塔金衣紺髮
盡留多寶之臺銀疊青蓮並入真珠之藏湛然釋氏一

千餘年輔國大將軍彌國公楊等皆 天子貴臣忠

義盡節布衣脫粟將軍有丞相之風牛車鹿裘驛騎減
中人之產爰抽淨俸申莊嚴之事也華簷覆像盡垂交
露之珠玉砌連龕更飾雄黃之寶風箏逸韻飛妙響於
天宮花雨依微灑輕香於世界猶恐蓬萊幾變石折不
周仍勞長者之經必勒輪王之偈書工紀事迺爲銘曰
昭昭大覺巍巍聖功身融刹海頓洽虛空問衆趣以望
揚闡聖門以包蒙物成緣而必應理無幽而不通有美
至人股肱良臣受 聖寄任閭難經綸英謀貫古韜略
通神一蒙 金鉞屢建華勛善代不伐功成不居功歸

天子善託真如乃真靈相用答冥符

佛心雖

空

佛福常在願普此因同臻性海

開元十二年十月八日

右銘題云號國公楊花臺銘并序判官亳州臨渙縣尉申屠液撰而無書人姓氏及建碑年月碑係裝成銘詞脫落殊爲可恨按序云輔國將軍號國公楊等皆天子貴臣忠義盡節爰扣淨俸申莊嚴之事也似非一人獨鑄佛像而不具姓名卽號國公有姓不名而題額中楊花二字連及殆所弗解然臺名楊花亦風韻可喜不必深求之也 又碑有銘無序題云楊

將軍新莊像銘不具名與字

金石錄補

按題曰揚花臺銘并序今有序無銘疑別有銘遺亡不存耳金石文字記載號國公主花臺銘顧林亭所記最爲精確不知此碑何誤乃爾又此銘無年月楊將軍新莊像銘乃開元十二年以俱在花塔寺故記於此 西安府南門內花塔寺各種銘讚俱書於石佛座下諸佛悉在殿之後簷及後殿之前簷寺僧云石佛舊在塔內塔毀重修不復安塔中故安於殿前

後耳

雍州金石記

右號國公楊花臺銘號國公楊者內侍楊思勗也書

姓不書名蓋碑之變例文爲亳州臨渙縣尉申屠放

撰唐志亳州無臨渙縣亦史之闕也

考研堂金石文跋尾

虢國公者楊思勗也思勗以開元十二年平覃行章
進輔國大將軍封虢國公像卽其時造也是銘爲二
石前石有序無銘自廿二行乃爲銘曰以後但署撰
人姓名而無歲月後石有銘無序自十七行以後記
開元歲月而無撰人二石寔是一物舊分爲二者誤
也

關中金
石記

予友趙君晉齋有此碑題云虢國公楊花臺銘并序
而銘曰之後卽署判官亳州臨渙縣尉申屠放撰原

無銘詞非脫落也。楊花揚字不從木蓋卽散花之義。碑云花雨依微灑輕香于世界是已。前又有一碑卽楊將軍新莊像銘也。後云開元十二年十月八日無書撰人姓名。書仿褚河南與臺銘如出一手。而碑之大小亦相等。予疑像銘之楊將軍卽臺銘之虢國公楊因檢舊唐書宦官楊思勗傳。開元初安南首領梅元成叛。詔思勗討之。卒斬元成。十二年五谿首領覃行璋作亂。思勗復受詔討之。生擒行璋。以軍功累加輔國大將軍。後從東封。加驃騎大將軍。封虢國公。則此二碑均屬思勗明矣。像銘刻于開元十二年在討

行璋之後故云受聖寄任聞難經綸英謀貫古韜略
通神一蒙金鉞屢建華勛善代不伐功成不居功歸
天子善託眞如蓋紀其事也考元宗本紀討行璋時
思勗官書鎮國將軍故此碑題曰楊將軍其臺銘稱
輔國大將軍虢國公及云牛車鹿裘驃騎城中人之
產當刻于十三年東封以後也按顧氏金石文字記
云虢國公主花臺銘在西安府南門內華塔寺以楊
作主亭林親至碑所不應舛謬至此當由亭林文集
刻于身後校讐疎略偶然筆誤耳近時秀水李子中
氏刻金石考略引用古林金石表遂引唐書順宗女

魏國公主以貨之竟以申屠族爲順宗時人訛以滋
訛幾成信讞此孟子所以有不如無書之歎也碑中
布衣脫粟有丞相之風相字失寫旁添想字思歸本
姓蘇羅州石城人爲內官楊氏所養因姓楊氏史稱
其殘忍好殺奉命殺牛仙童至採取其心截去手足
割而啖之其慘酷至此乃建塔造像以邀冥祐亦愚
矣哉

鮑廷博跋

按花塔寺陝西通志寶慶寺在咸寧縣安仁坊俗
名花塔隋仁壽初建隋文帝唐中宗嘗臨幸焉文
宗感蛤蜊觀音像建五色塔此卽花塔寺之所由

名也然未建五色塔以前先有花臺并有此碑通志皆不詳長安志亦不載此寺及中宗臨幸文宗建塔事皆漏略也祖在西安常過此寺摩挲此碑又零星所得殘碑凡十三種嵌之于左右故得其詳碑題亳州臨渙縣尉申屠液撰潛研跋云唐志亳州無臨渙縣謂史之闕按新唐書地理志臨渙縣載在宿州元和郡縣志云本漢鉅縣梁普通中置臨渙郡以臨渙水爲名後魏改爲渙北縣高齊改臨渙縣屬譙郡大業二年改屬亳州武德四年屬譙州貞觀十七年廢譙州縣隸亳州舊唐書地

理志云隋置譙州領縣四貞觀十七年省以臨渙
永城山系屬亳州臨渙縣本治經城十七年移治
所于廢譙州元和九年割入宿州此新書所以載
入宿州也文云華簷覆像盡垂交露之珠玉砌連
龕更飾雄黃之寶此語正謂花臺也華簷者花也
連龕者臺也麓山寺碑云誦習山頂創立花臺要
皆當時佛寺之制可與此花臺作證然則謂臺名
楊花風韻可喜又謂楊花當作楊花卽散花之義
者似皆曲解此碑舊以序與銘誤分爲二今更正
之序後卽與銘連屬而以諸跋列於銘後

涼國長公主碑

碑連額高一丈三尺四寸廣六尺三寸八分十八行
行四十五字隸書額題大唐故涼國長公主碑文策
書首行撰人銜名
正書在碑城縣

御書

銀青光祿大夫守禮部尚書上柱國□□□□□撰

□

乾坤既將豸為攸配變則成女終於歸妹惟長公主乎

公主諱窈字花

姓

我興家邦天錫

宗社

昌運及五

聖真享鴻名

聖期至六神武

膺駿命道□□□

□□□焉網緼構極俾彼雲

漢的凝聚春華如桃李順顏承志約禮知節得蘭館從

蠶之儀採公宮習史之藝載贈湯沐爰賦井田其初也

與多於僊源其從也稱長於涼國故丞相虞公太原溫

彥博曾孫曦台揆門閤風流儒雅會請是賢選伊尚

君子至止碩人其順協時之吉脩典之實雜珮明璫裝

衣錦裳綵煌煌有秀有芳居迴映以虹倚動羣超而

翠翔媛成肅雍侯守祿位貴則能降降而不驕勢而在

勤勤則不匱未嘗有也皇嘉之而謂日台和臥

樂變乎風揮五絃之盡美觀百物之從令欲同鑒乃親

故特傳於汝公主清揚神潔妙指心閑猶白雪之詞其

通則類青谿之曲多領悟榮賜以得後誠盈

而散思過魯元王宣上邑龍逾帝

豈口口每絕館陶之祈自無昭平之贖粹淵而敏靜好

而詳以北渚之愁若何西方之聖如是大修果架入

至空竟而霜草霜桂枝辭月開元十二載八月辛巳

避疾薨於京邸永嘉里第享年卅八嗚呼哀哉上散

悼臨次增涕京尹護喪群司歲事其年仲冬壬午陪

葬于橋陵生脊敬愛歿効充奉蕭史樓中鳳音何

望軒轅臺下龍口乃攀子西華等扶杖而立茹

荼以泣潺湲赴賓憫觀者羽葆容育翰林酸嘶又昭

乎遺風誰著錄簡書厥後代諫忠刊刻皇碑口立府

親行捧戴則奔馳四靈光華則迴薄七曜明山可轉况

連於銑鑒觀圖惟積車錯於琅玕俾銅鑊之湮沉由寶

書而飛動禮臣不佞敢作銘曰

天其有章銀漢玉潢我則有祥霄明燭光柔祇不忒芳

問允塞何彼穠矣其儀是則鳳凰于飛公子同歸琴瑟

在御德音莫違何沈寥之繫秋兮獨杳杳之靈夜何闌

忽之誰忍兮痛明靈之不借清霜晶月楚挽將發流吹

結雲秦登不聞固惟口口兮金石噉長口兮森松柏口

以悼之兮長不數

右唐涼國長公主碑蘇頌撰明皇書公主睿宗女也
新唐書列傳云字華莊而碑云諱苑字花粧傳云下
嫁薛伯陽而碑云嫁溫彥博曾孫曦按新史睿宗第
三女荆山公主已嫁薛伯陽當以碑爲正

金石錄

右涼國長公主碑碑辭大半可讀攷之唐史睿宗第
六女字華莊始封仙源下嫁薛伯陽今碑內封國先
後同而字乃從花粧非華莊也又稱歸故丞相虞公
溫彥博曾孫曦及攷彥博傳曾孫曦尚涼國長公主
伯陽傳尚仙源公主坐父穆誅流嶺表自殺然則公
主固嫁薛伯陽再嫁溫曦史遺曦而碑諱伯陽也

金州

山人稿

其文有云開元十二載八月辛丑薨于京永嘉里第
按唐書天寶三年正月丙辰朔改年爲載而此在其
前二十年已云載矣蓋文字中偶一用之後乃施之
詔令符牒耳

金石文
字記

公主睿宗第六女名薨字華莊元美謂碑爲華莊史
作花莊而不言名子函石壘鐫華直以字爲名二公
似俱未見其碑也余嘗從叔兄至奉先遊唐諸陵歸
而得數碑此石臥草間字跡完好如新于時恨楮墨
不具後遣工掘得已爲土人擊扑損半恐一經採訪

官使或搨不勝誅求故也

金石史

按此碑金石錄云是蘇頲撰碑題但有結銜云銀青光祿大夫守禮部尚書上柱國而勒其姓名兩唐書頲傳皆云開元八年罷爲禮部尚書俄知益州大都督府長史十三年從駕東封撰朝覲碑文又知吏部選事此碑立于十二年仲冬則其時已還京師乃得爲公主撰文然傳竟不言頲之還京在于何年傳之畧也文多闕泐賴文苑英華有此文取以校補其碑有而英華無者是英華小有刪節不足深論首句乾坤旣將義不可曉英華作乾

坤既分則文義晰矣碑云公主諱窈字花粧英華
云諱某字其其不能詳者何也窈廣韻奴鈎切爾
雅釋獸註江東呼兎子曰鰐集韻云鰐或作窈公
主以是命名似亦小名之類故英華不著也碑云
開元十二載八月辛丑遘疾英華作八月辛巳据
通鑑目錄八月是丁亥朔則辛巳在七月英華誤
也

華山銘殘字

隸書只四字
在華陰縣廟

駕如陽孕

明皇華山銘殘字今只存駕如陽孕四字駕如者仙
駕如問句也陽孕者陰陽孕育句也碑爲黃巢所燬
故自歐趙以來不著錄關中金不記

華山銘明皇御製并八分書開元十二年十一月今

惟存四字亦殘闕錄大昭金石後錄

乙速孤行儼碑

碑高九尺二寸廣三尺九寸三十分行六十七字隸書額題右武衛將軍乙速孤府君碑銘十二字篆書在醴泉縣叱干村

大唐故右武衛將軍上柱國乙速孤府君碑銘

正議口口口秘書監修文口學士兼修國史上柱國

劉憲撰

朝議郎行秘書郎白義暉書

□□□□文德而競□陰之□功配陽□□□利
用厚生□□□古以來折衝禦侮之材何代蔑有秦之
強也起翦恬貴用其兵漢之盛也辛李衛霍爲其將

大唐操升□□□陳帶甲百萬□鉞□七其有

中分麾

下□堂堂正正之師□□敵國負赳赳桓桓之稱者在
於乙速孤府君矣公諱行儼字行儼本姓王氏太原人
也五代祖有功於魏□□□焉因居京兆之醴泉縣
王子晉之□仙□□□車千秋之作相重錫華宗家

何代而乏賢人何時而不貴曾祖安齊前鋒都督右武
候右六府驃騎將軍開府儀同三司□□□州刺史
隨益州□□襲封和仁郡□國公□孝移忠還虞事夏
司馬安之四至晏平仲之一心祖展 皇朝上開府
右武侯右廿府左車騎將軍驃騎將軍藏□□□□
□用功叅□將寵盛興□父神慶右虞□副率檢校右
□□□衛將軍氣岸瓌傑志力雄武持軍以禮陰德有
徵才子挺生將門斯在公鍾家代之休烈奉韜鈴之成
訓鵬□□於霄漢□□溢於風颺得□濫於□□習軍
容於嬉戲子房智勇□其無敵劄縶詩書頗亦兼諧永

徽中司成生擢第明慶中丁父憂性實過人俯而就禮
麟德初授宣德□□□府□□參軍事□□□□□
□□□□其間首席□□威亨元年以將門子弟授振
威拔叙守普濟府左果毅都尉丁太夫人憂失泣之節
饘粥之數復如居府君之喪儀鳳二年 勅除興

國府右果毅都尉鎮河源軍定州道□□□河陽橋舊
拱二年授游擊將軍黃城府左果毅都尉致果爲毅□
戎以律洗兵監澤秣馬中山護濁河之橋綰黃圖之府
智謀洋溢威武紛□□靜朔垂□□雄京邑□□元年
制除朝散大夫縣州司馬天授二年加朝議大夫長壽

二年除資州長史延載元年加中散大夫題興縣口辰
口資中風俗所同政教如壹口口元年 制除使持節
萬州諸軍事萬州刺史萬歲通天元年 制加中大夫
二年加大中大夫其年檢校永州刺史聖曆二年授使
持節督都夔歸忠萬渝涪口等七州諸軍事守夔州刺
史三年授使持節都督廣韶端康封岡等口二州諸軍
事守廣州刺史長安三年授使持節泉州諸軍事守泉
州刺史神龍元年授使持節都督黔口沅等州諸軍事
守黔州刺史其年加正議大夫神授政理口材天挺公
侯之表故能方州典郡盡周官牧伯之尊越海凌山窮

禹貢荆揚之域控御數千里周旋廿年化洽夷夏功
□□□□祠之□□□□畏清酒之盟于今□□神
龍二年 墨制授忠武將軍守右武衛將軍員外置同
正員特 勅停南衙上下專委北軍事羽林之任
歷代爲□□□□而後安名宋□而先□以公確乎忠
信厲然壯勇□命卿之秩掌孤兒之軍宿衛陞殿而逾
嚴徼巡巖廊而匪懈壘垣增肅軒禁穆清錫御府之金
錢分大官之玉食□殊□所逮□中使相望□□□持
戟筋力爲倦輪節竭誠心術俱盡神用疲而致損腠理
勞而生疾其歲夏中遇病廳事半體□廢經時未瘳顏

休攝於家庭遂遲迴於口闕陳情拜疏理切詞確口
感宸衷特聽致仕仍褒美績更惜羸病睿旨殷勤
形乎綽翰公結欬而辭雲陞投迹而返私門懸廣德
之安車施仲翁之行馬仙方上藥口口性而延齡芳醞
嘉羞且忘憂而口口而公繫釋息繇命昆弟之子令從
爲嗣鞠育俾於己生仕爲太子通事舍人聖外氏累左
除溱州扶驩縣令公天屬爲重旣切猶子之慈門寄所
鍾何深舐犢之念亦旣離口舊疾暴增春蠶七十有二
景龍元年十二月十五日薨于大寧里第嗚呼哀哉惟
公盛德溫恭雅懷寬肅行口文飾言不浮華出身入仕

□□形□靡欺暗室獨運虛舟於人之善無所遺於人
之惡無所記可疑之地投足莫踐弗稽之謀措心所絕
親友信而敬之老少安而懷之唯汲汲以行仁豈遑遑
而求利防衛之際屢有奇功撫字之方□彰靈感公之
在永州也屬時□不登土人多餒罄倉儲而罕瞻耜山
谷而無資所部界中繁饒穠竹盤根合翠弥漫蒼然忽
於一朝結實咸編若五穀之□□油然可觀比千箱之
□詠□□□給人皆□□□盈路公仍持數石奏進
京師 聖旨咨嗟歎其靈味公之在夔州也隣界不虞
羣蠻□擾侵軼城郭殘傷吏人公不俟 制命□□致

討威靈震蕩氣□□清稽顙咽於□□□□於江水
天朝命將甫戒於師期邊郡飛書已聞於戰捷雖耿
奔之不遺賊於君父亦□□以□茲時嘉乃□□□慰
勉□□之□□□□長遺□□□□日吾遭遇□□
□□卅餘載恨無以報不□絲毫有負於 聖朝家業
素貧喪葬所須務從節儉勿違吾平生志也所樹碑務
令□實無爲虛□□□吾真爾□唯清唯慎勿矜勿伐
則吾死而無恨矣夫人常樂縣君賀若氏宋公弼之姪
孫開州刺史懷武之第六女門宗之□鐘鼎連華家室
之歎□□齊契春秋五十一證聖元年八月五日亡於

萬州官舍維景龍二年歲次景申二月辛卯朔十六日
景午合葬於雍州醴泉縣白鹿鄉李中川先府君之塋
次禮也嗣子令從叫叫穹蒼哀哀霜露永口言誓終身
奉行子壻右口衛鎧曹參軍安口梁望之代業通家口
賢長者冰清玉潤常懷國士之恩石字金書顙託中郎
之筆口口口口乃作銘云

公侯子孫必復其始
將門有將其來久矣伊我將軍口代爲口壯勇傑出威
稜峻峙文則口良六條千里武以侍衛嚴除軍壘黃霸
匪儔宋口寧擬中外從口口勤止年至禮優神口疾
起口口終口令問不口口口伏波誠其兄子

大唐開元十三年歲次乙丑口月景辰朔十六日辛未令從自曹州濟陰縣令秩滿建渤海徐元禮醵行儼字行儼神慶子也墓相去不十餘步二碑并峙余皆摩之而因以知神慶尚有子行儼仕爲右武衛將軍也碑爲劉憲撰白義暉分書攷歐陽公有神慶碑而未見行儼碑且前碑五代祖五字甚明而公以爲闕文或所見偶闕本耳

石壘
鐫華

林同人曰趙子函以萬歷戊午遊昭陵家本秦又得賢主人極搜討之樂顧瞻低徊穹碑豐碣仆者起之埋者出之百六十殘篇斷簡猶二十餘種至崇禎丁

丑方二十年苟公好善修醴泉縣志所載昭陵碑目
悉同趙子函所見又二十八年爲康熙甲辰余過昭
陵經鼎革之後耳目非舊而余乃倩工搜揚僅得英
衛房馬諸公十六碑字之存者已不能如趙公所云
耳後予重遊西涼過關中時秦方大饑百里斷人烟
昭陵一徑化爲萑苻之藪行旅裹足竊意前所存十
六碑將復沉沒於寒烟衰草中後人不得而見也每
翻閱碑本愈加珍重作爲昭陵石蹟考略三卷

來齊金石

刻考略

右右武衛將軍乙速孤行儼碑金石錄所載又有乙

速孤晟碑今已亡矣惟神慶父子兩碑巋然獨存乙
速孤氏名不見于正史而家世譜系更千百年班班
可考古人欲揚其親而刻石以託不朽詎無益哉行
儼以神龍二年墨制授右武衛將軍員外置同正員
墨制猶云墨勅不由中書門下而出自禁中者也中
宗之世政出多門後官貴戚墨勅斜封凡員外同正
試攝檢校判知官大都以賄得之行儼殆亦以賄進
歟普濟興國黃城三軍府之名唐書地理志皆無之
予嘗得田義起石浮圖頌始知興國爲雍州百三十
一府之一其二府則未知其在何州也

潛研堂金石文獻尾

行儼神慶之子于高宗時爲普濟府左果毅垂拱初
爲黃城府左果毅新唐書地理志不載二府名未詳
所屬碑稱顯慶爲明慶避中宗諱改

關中金
石記

按乙速孤元和姓纂云代人隨魏南徙魏書官氏
志獨不載此姓北史節義傳有乙速孤佛保者孝
武帝時爲直閭將軍從入關封蒲子縣公大統初
梁將蘭欽陷漢中佛保時爲都督力戰死見于史
傳者惟此一人此碑撰者爲劉憲新唐書文藝傳
憲字元度宋州寧陵人武后末出爲渝州刺史除
太僕少卿修國史兼修文館學士遷太子詹事碑

銜有祕書監傳所無也書者白義陞無攷碑叙行儼之曾祖安祖晟父神慶史俱無傳集古錄有乙速孤神慶碑跋云乙速孤氏在唐無顯人惟以其姓見于當時者神慶一人而已其先王氏太原人

有文

代祖顯爲後魏驃騎大將軍賜姓乙速孤氏

遂爲京兆醴泉人曾祖貴隨河州刺史和仁邵公祖安隨益州都督父晟唐驃騎將軍神慶唐初仕三衛高宗時爲太子右虞候副率以卒所載與此碑同而增多遠祖顯曾祖貴二人神慶之曾祖卽行儼之高祖也碑云公素無息允命昆弟之子令

從爲騎仕爲太子通事舍人坐外氏累左除潯州
扶驪縣令兩唐書地理志並無潯州扶驪縣之名
惟元和郡縣志云蔡州古潯州之域漢立汝南郡
宋文帝置司州魏太武改潯州周大象改舒州隋
文改潯州仁壽四年改爲潯州大業二年改蔡州
三年罷爲汝南郡武德四年復置潯州竇應元年
復改蔡州是潯州之名僅一見于仁壽之時其後
不置至扶驪縣則從無此名碑文所未詳也碑云
夫人常樂縣君賀若氏宋公弼之姪孫開州刺史
懷武之第六女弼爲敦之子周書賀若敦傳敦子

弼敦弟誼官至柱國海陵縣公隋書賀若弼傳高祖時定三吳加位上柱國進爵宋國公大業三年從駕北巡坐私議得失爲人所奏誅死妻子爲官奴婢羣從徙邊此所稱姪孫及懷武不知是族姪孫抑或是誼之子孫事隔異代復歸內地而爲行儼之夫人耶夫人以證聖元年卒先仁儼十三年碑云以景龍二年歲次景申二月辛卯朔十六日景午合葬景龍二年是戊申歲碑云景申者誤也碑書辛卯朔卯卽酉字據十六日是丙午則朔日是辛卯文當作卯非辛酉也但以通鑑目錄證之

是年二月甲子朔非辛酉亦非辛卯通前後考之
惟聖歷元年戊戌歲二月是辛卯朔碑之誤又所
未詳也碑云令葬于雍州醴泉縣白鹿鄉李中川
先府君之塋次長安志醴泉縣唐十六鄉有白鹿
長樂瑤臺修文四鄉餘不傳又云太宗昭陵在醴
泉縣西北六十里九嶷山白鹿長樂瑤臺三鄉界
又云九嶷山在縣西四十里其李中川無攷又據
長安志昭陵園陵北有三墓曰乙速孤晟墓曰乙
速孤行儼墓曰乙速孤神慶墓自東而西三墓平
列蓋晟爲行儼祖神慶爲行儼父碑所謂先府君

之塋次者是也此二墓官位亦不應在陪葬之列
碑本無陪葬之文不過墓地近昭陵之北耳長安
志圖誤列于昭陵園內故孫觀察星衍醴泉縣志
昭陵陪葬考云善平官燿亮之言乙速孤父子墓
在叱千邨九嵎山後三十里不在昭陵一百二十
里墓田之內安得謂之陪葬也碑末題開元十三
年歲次乙丑口月景辰朔十六日辛未建距景龍
二年葬後十八年始取劉白二人舊所撰書而刻
之然攷通鑑目錄是年月朔無丙辰者丙辰朔已
見於上年閏十二月至是年二月已爲乙卯朔但

据下云十六日辛未則朔是丙辰不誤又碑之所
未詳也

鄔國長公主碑

碑高一丈一尺六寸廣六尺一寸四分
二十三行行五十二字隸書在蒲城縣

大唐鄔國長公主神道碑銘

御書

中書令修國史上柱國兼燕國公張說撰

臣聞堯有娥英率九族之敦叙舜有宵燭動百里之光
曜大聖之後天必縱之積善之家神所慶矣豈唯上帝
之女雲漢爲靈平王之孫蕭邕其德連華前志代有其

人 皇唐鄜國長公主者 睿宗之第七女

也母曰崔貴妃構累聖而成門合濟養而為室 蘊乾坤

之純 杓演 日月之 清明 神嬌誕靈 常言所 絕 免懷 之歲

天壽 聖善不食三日哀比成人文母流胎教之慈

曾子得生知之孝由是宮闈 延賜 邦國 遠聞 玉笋耀首

油 駟在馭 錫之美 地邑以荆山 求之令族嬪于薛氏爾

其居玩圖史動循慶度服其浣濯恭儉之教興 鼓其 登

琴 敬讓 之風 被 其行己也 安 親惠下之謂仁敬宗好合

之謂義降貴接卑之謂禮恕情周物之謂智推心而行

罔不該備其理家也視膳 養休 之均和 主饋 醴之品

齊絲竹

七音之

徵

靡簾組

几

華之緝麗經目所涉罔不

精詣每至三元上賀五日中參進對詳華折旋舒

婉故

以式

贖貴

里儀範

通

門如千花之

泛惠

風百卉之涵膏

露發寔之宜克舉繁衍之福大來有男子四女子五瑤

碧生階芝蘭滿室者也習禮明詩

日漸

閨庭之訓銀章

艾綬地連恩澤之佚自先朝徹展之辰迄公主成笄

之日外除過制內疚餘哀手寫金字梵經三部躬繡

絲

線佛象

二鋪貝葉真偈現心相於銀鈎蓮花妙容

呈意

生於玉指孝思惟則道遠乎哉開元繼明推恩由已進

封鄖國長公主食邑一千四百戶

出賦

廣而彌儉禮秩

尊而益恭其後君子晨歌夫人晝哭未亡爲稱生意盡

矣撫視遺孤將守栢舟之誓志祈剝落永從柰苑之遊

朝制斷恩改降鄭氏懷谷可易隨和之德不昧寒暑有

遷松竹之性如一均養七子麻蔭二宗汾陰之室忘亡

榮陽之黨相慶旣而善福虛應寢疾彌留盡國醫之伎

遠方畢至供御府之藥中使相望命之必至不可支也

堂邑山林忽焉瘁色平陽歌舞適足愁人開元十三年

二月庚午薨于河南縣之修榮里春秋卅有七震悼

紫庭哀傷朱邱傾家若聖國同悲有詔

光祿卿孟德監護喪葬京兆少尹能延休副焉窳之

禮一如涼國長公主故事夏四月

恩旨陪葬于

橋陵不祔不從古之道也

皇上念同氣

之懿美感閭川之永謝

懷棟

華之半缺

悲

瑶草之先化

乃命國史昭銘懿迹降

恩禮於雲露寫哀詞於

金石水

非

湘渚還起帝子之

詞

山是洛陽卽封天妹之

景
銘曰

帝系白雲僊源紫氣凝家成國承天作貴赫赫

聖祖曰文曰武皇皇

睿宗一變萬邦挺生淑媛

慈和孝恭清曠如神娥肩無雙邱第立官湯沐建封年
及笄總禮施環珮鳴鳳獻祥乘龍擇對帝唐降女天乙

歸妹珠玉過庭蘋蘩正內蛟門早開龍湖忽上無地何

載無天何仰金徽書經華絲繡偽欲報之德昊天罔極

孰是言歸

良人永違

銀鑪煙斷羅幕霜飛懸顛髮形託

身壞衣不諒人只改嬀他士稟命日從從人日順息媿

繩楚懷羸霸晉反經台權

與道同

韻煥休二室

均歡等

潤四海謚清九族和平萬物向榮衆雖未成心戀盛明

形隨落英祖載鼎城歸之咸京挽歌數聲鹵簿

四行哀

哀

聖

情惻惻

同

生稿山斤石千秋令名

石碑題云大唐鄧國長公主神道碑銘明皇隸書撰

文姓名殘泐而存中書令修國史等字宰相表開元

十三年張說以右丞相兼中書令則撰文者必說也
碑云公主睿宗之第七女而新唐書傳云第八女與
碑異又云母崔貴妃薨公主方三歲不食三日哀如
成人下嫁薛儼又嫁鄭孝義皆與碑同碑云求之令
族殯于薛氏有男子四女子五又云改嫁鄭氏均養
七子休蔭二宗云云夫公主改適名節所繫而當時
大臣勒諸碑板恬不知耻至于乃爾可深嘆也金石錄補
公主睿宗第八女碑云第七者以安興昭懷蚤死故
也公主崔貴妃所生始嫁薛儼又嫁鄭孝義前有子
四後有子三碑皆不諱今碑殘缺文載唐文粹甚詳

大概皆與史合惟言食邑一千二百戶爲稍異耳亦

無足重輕也

關中金
石記

按此碑文苑英華唐文粹俱載其文今取兩書互

勘碑云母曰崔貴妃

唐書同
英華同

文粹誤作崔國妃絲

竹口音之徵靡音上碑泐一字英華作七音文粹

又作五音互異食邑一千四百戶

唐書同

英華文粹

俱作二百戶堯于河南縣之修榮里兩書俱作修

業里光祿卿孟德兩書俱作孟禮京兆少尹兩書

無少字能延休能姓不多見史惟唐書孝友傳有

能君德鄭縣人又見于正字通者唐有能延壽能

元皓宋有能迪此延休或與延壽同弟兄歟下云

金澱書經

文粹同

英華作金殿按此卽謂手寫金字

梵經澱有泥滓之義金澱猶言泥金也對下文華

絲繡像則澱字爲是歸寧咸京

英華同

文粹作歸寧

此皆互異者其餘小有異同不足論也文云錫之

美地邑以荆山開元繼照推恩由已進封鄖國長

公主語與史合蓋荆山爲唐宗時始封鄖國爲開

元初進封也鄖國卽新息縣鄖與息通用春秋哀

十年公會吳伐齊南鄙師于鄖註鄖齊地漢書地

理志作息孟康注曰故息國後徙東故加新鄖今

汝南府息縣卽息地唐書地理志武德四年置息
州貞觀初廢爲縣屬河南道蔡州汝南郡

述聖頌

碑高六尺五寸七分廣三尺四寸十九
行行三十七字正書在華陰縣岳廟

述聖頌并序

京兆府富平縣尉達奚珣撰序

左補闕集賢殿直學士呂向撰頌并書

曰懸象著明莫大乎日月

我聖人之文也發祥

隲祉莫大乎神祇文之所繇興也原夫天作太華氣雄
群山乘靈伊何受命如鸞自神元之所開拓虞帝之所

巡遊祀典雖存宏圖蓋闕洞陰陽之不測其惟

大聖歟於是乎藻翰自天發揮神化建碑于廟以光寵
焉乃命朝英實司其事經始勿亟庶人子來徒觀其神
輪坤瓊美石次玉追琢之際厥聲泠然磨礱之後其光
洞納樹之平地疑若斷山六龍盤薄紉其上群神離立
負其下藝事既畢

宸章乃開竊以洪鑪大造之

時天動地業秘籙聿來之日風搖雲起詞義至廣含元
氣而運行翰墨至精吐奎星而飛動剛柔相錯神妙無
方合而五光照離而萬象列宇宙之間口如也繇是發
巖巖之氣色益祠廟之風稜不怒而威有來加敬蓋曰

大君之一顧也寵秩榮幸不其至哉初有司以
法駕時巡路直茲地將遷巨石先期底功

天意若曰夫人神之主也嚴神以爲人也今稽事未已
工徒復興人償失業神將何據方待歲暮以須後圖粵
若碑版業乎刊刻通其變則人不倦節其用而財不傷
俾夫役者逸於從事 天之臨下其道有然曲成

万物何注非宜時厥使臣乃昌言曰國之大事在祀神
之所歆在德以德舉事 吾君有光比矢周銘弁

山存乎車轍馬跡漢祠少室蓋欲遙興輕舉至誠逮下
可同年而道口頌聲未作詞客之過小人固陋遊聖難

名實賴文宗維其不遠敢託呂補闕向爲之頌云

天輔

聖德配極而崇帝者祖子神行

慈

旨布澤而洽人之父子叶命高嶽喻壽其齊招靈祐子
飛文孤標灑翰又類使物觀子騰雄激烈交天聲芬偃
上古子發潤飄清摠此光氣覆下土子探異閱妙意力
猶懸空作矩子徵注到口辭聽相投無與伍子

碑在華陰縣岳廟中達奚珣撰序呂向撰頌并書不
著年月攷呂向開元中召入翰林此碑稱集賢殿直
學士當是開元中立碑云藻翰自天發揮神化建碑
于廟以光寵焉又云樹之平地巖若斷山六龍盤薄

紕其上羣神離立負其下當是頌元宗所建華岳碑也今其碑已裂跌尚存如山上存二字大可徑四寸許分隸不減太山銘而呂向此書尚完在一道士院中向書昔人稱其草隸峻巧又能一筆環寫百字號連綿書

石璽
集筆

碑陰上方有韓賞告嶽神文隸擇木八分書下方有大歷九年華陰令盧朝徹謁嶽廟文有貞元九年十三年題名左旁有乾元二年張惟一祈雨記右旁有上元元年華陰縣令王宥等題名李樞書上爲篆下

爲八分

金石文
字記

元宗所建華嶽碑已燬尚存塊石巋然如山頌稱其
光洞納不可復見至云巋若斷山真成碑識又云羣
神離立負其下髣髴猶存尚餘兩字徑數寸甚奇偉
飛動恍如龍翔鳳舞昔向曾以美人賦諫幾死張說
爲請卽拜補闕賜銀章朱紱不可謂不遇也建碑時
帝侈心旣萌且謂岳神來迎頌不以諷何也

金石
史

頌以述聖名者以元宗有西嶽碑銘因述而頌之也
元宗銘曰十有二載孟冬之月步自京邑幸于洛師
停鑾廟下以唐本紀攷之卽十二年十一月庚午如
東都事碑云孟冬史云十一月微有異向本傳叙向

以開元十年召入翰林院兼集賢院校理擢左拾遺
進左補闕帝爲文勒石西嶽詔向爲鐫勒使以起居
舍人從東巡元宗之封太山在十三年十一月案孫
逖有春初送呂補闕往西嶽勒碑詩是向以是年春
奉命華山後卽從往太山矣攷會要華嶽碑十三年
七月七日成則向之進起居舍人卽以鐫勒功而從
太山在七月後更可知又向本傳不及向爲集賢殿
直學士趙冬曦傳云冬曦與祕書少監賀知章校書
郎孫季良大理評事咸廩業入集賢院修撰是時翰
林供奉呂向爲校理踰年並爲直學士此史家互見

之例非缺略也但云踰年並爲直學士而集賢院卽以十三年改名此碑立于十三年六月則向之爲直學士猶未踰年矣珣後由御史爲河南尹從祿山爲右相至德二年伏誅趙氏金石錄置此于開元無歲月諸碑內因未見額陰所題故也

關中金
石記

金石錄編卷七十五終